



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1563 usque ad annum 1566

**Fleury, Claude**

**August. Vind. [u.a.], 1772**

**VD18 90118626**

§. 118. Gubernatrix ab Hispaniæ Rege milites conducere jussa.

---

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI.  
A C. 1566.

Hochstrato Comitibus intererat, qui una omnes fidem fecere, quod Gubernatrix in urbe Bruxellensi permanere velit, ea tamen lege, ut diligenter caveant, ne conciones in urbe habeantur, aut vis templis inferatur: præterea rogabat, ac præcipiebat Gubernatrix, ut Mansfeldio in omnibus obediant: quod cum cives se facturos spondissent, fidemque obstrinxissent, vehementi metu suo paululum liberabatur: at mox majore pavore consternatur, nuntio secreto allato, quod ab Oranio Antverpiam reverso potestas esset facta hæreticis, conciones in Urbe habendi, reliquosque Lutheri, & Calvini ritus celebrandi, tribus propterea locis attributis: idem quoque Hochstratus, & Hornanus, seu Hornius Comites, ac prior quidem Mechliniæ, & alter Tornaci, concesserunt: cum autem nec his quoque indulgentiis hæreticorum furor Antverpiæ, Amsteldami, & Delphis sedari posset, hinc Gubernatrix Regem, ut in Belgium contenderet, vehementer urgebat.

§. CXVIII.

*Gubernatrix ab Hispaniæ Rege milites conscribere jussa.*

Tandem Philippus crebris adeo sollicitationibus expugnatus datis literis Sorori suæ præcepit, ut tria millia equi-



Sæcul. XVI.  
A.C. 1566.

equitum, peditum vero decem millia conscribenda curaret in Germania, eosque milites duorum mensium stipendiis solutis, paratos habeat, usquedum accersendi sint in Belgium.

Postea Nobiles hisce copiis præficiendos Rex nominabat, simulque pro singulis literas delati muneris testes Gubernatrici mittebat, præter trecenta nummum aureorum millia, quos illa dividere jubebatur partim in hosce militum Ductores, partim in alios, si aut plures, aut alii istorum nominatorum loco seligendi videantur, in quem usum aliquot Syngraphas Regio nomine munitas adjungit: denique ne quis Germanorum Principum eum copiarum apparatus fecus interpretaretur, ad illos quoque consilii sui rationem scribit, missis gubernatrici literis: præcipue vero Maximilianum II. Cæsarem epistola, & verbis sui apud illum oratoris rem ipsam docet, rogatque pro ea, quæ inter illos intercedit, amoris, sanguinisque conjunctione, ut juvet autoritate sua eum militum, Ducumque delectum. Ast Cæsar, quia inaudierat, inter Gubernatricem, & Nobiles fœderatos jam de pace convenisse, laudato consilio arma tamen, delectumque dissuasit: nam semetipsum in hisce dissidiis pacis conciliatorem Gubernatrici



Sæcul. XVI.  
A.C. 1566.

trici offerre videbatur: cum autem Imperator eo jam esse ventum cerneret, ut cum armata factione nihil absque armis tuto componi possit, tandem omnibus Regis Hispaniæ petitis concessit, ac edicto hanc in rem promulgato, impositaque capitis pœna vetuit, ne quis Germanorum militatum iret adversus Hispaniæ Regem: præterea Trevirensis, & Moguntinus Electores copias adversus rebelles conducendi consilium approbabant, seque operam quoque suam collaturos spondebant, nec minus id rescribebant Catholici Germaniæ Episcopi: inter ceteros vero Principes Bavarix Dux majori Religionis studio accensus ipsum quoque Regem sollicitabat, nequid in ea occasione omitteret: ast a Confessionis Augustanæ Principibus longe contraria scribebantur; nam & Hassiæ Landgravius, & Dux Wirtembergensis excusata Religione, qua Belgis eandem profitentibus nocere impediebantur, Gubernatricem hortati sunt, ut eadem depositis armis ab Augustana Confessione, atque a conscientix libertate remedium unice quæreret: omnium tamen confidentissimus plurimis sane verbis scripsit Palatinus Comes, Fridericus tertius, qui se novi Evangelii tutorem per Germaniam venditabat, nec enim  
 solum



folum Belgarum caussam apud Gubernatricem egit, atque eorundem innocentiam commendavit, sed insuper Romanum Pontificem, cultumque sacrarum imaginum, & Inquisitorum Tyrannidem execratus denique conclusit, obstringi se Religione, quo minus fratribus suis confessionem Augustanam, purumque Dei verbum sectantibus adversaretur: Ceterum Galliarum Rex ad Gubernatricis preces edictum promulgat, ne quis suorum armis tueretur rebellium Belgarum partes: ea propter Philippus plenas gratiarum litteras ad eundem dedit, simulque Sorori suæ scripsit, quod rebus suis Madridi compositis in Belgium profecturus esset.

Sæcul. XVI.  
A.C. 1566.

§. CXIX.

*Fœderati Teneramundæ circa Hispaniæ Regis adventum deliberantes.*

Turbatis hoc nuntio Fœderatorum animis Princeps Oranius, Ludovicus Nassovius ejus frater, Comites Egmontius, Hochstratanus, Hornanusque Teneramundam quandam inter Antverpiam, & Gandavum urbem venire, ibi quid singuli de adventu Regis accepissent, communicaturi, capturique inde de rei summa consilium, porro

*Thuan. & Strad. l. 6.*

Oo 3

inter